

ՍՓՅՈՒՌԱՆԿԱՅԻՆ ԿՅԱՆՔ ЖИЗНЬ ЗАРУБЕЖНЫХ АРМЯН

ՄՇԱԿՈՒԹԱՅԻՆ ԵՎ ՀԱՍԱՐԱԿԱԿԱՆ ԿՅԱՆՔԸ ՍՓՅՈՒՌՔՈՒՄ (1987 թ.)

Ք ու լ զ ա ռ ի ա

Սոֆիայում լույս տեսնող «Օտեչեստվեն ֆրոնտա թերթը 1986 թ. հոկտեմբերի 8-ի համարում հրատարակել է Անկարայի իր թղթակից Գեյլո Բալբառնովի «Հարուստ ժառանգության բարբարոսական ոչնչացումը» խորագիրը կրող հոդվածը, որը թարգմանաբար տպված է սփյուռքահայ մի շարք թերթերում: Հոդվածում ի միջի աչքոց ասված է. «Անվիճելի փաստեր ցույց կուտան, որ սպանդի տարիներուն և համատարած ցեղասպանության ժամանակ, երիտթուրքերուն կառավարությունը կորոշե ոչնչացնել հայկական քաղաքակրթությունը ապացուցող ամեն մեկ նյութական փաստ: Այդ քաղաքականության տրամաբանական հետևանքը հայ ժողովրդի բռնաջնջումը և մարդկային մշակույթի ու արվեստի նվաճումներուն ոչնչացումն է: Քանի մը տասնյակ տարիներն ի վեր թրքական բոլոր քարտեաներեն, տեղեկատուներեն և այլ հրատարակություններն ի սպառ վերցված է Հայաստան անունը: ...Երեսնական թվականներեն հայոց պատրիարքարանի տվյալներու և ՅՈՒՆԵՍԿՈ-ի ուսումնասիրություններու համաձայն Արեւմտյան Հայաստանի մեջ թուրքերը գետնին համապարեցուցած են 1036 վանքեր ու եկեղեցիներ: ...Հուլարձանները թնդանոթի ոմբակոծումներով քանդելու առանձին դեպքեր ալ կան: ...Սովորական երևույթ է եկեղեցիները մզկիթի քանտի. ախոռի, պահեստանոցի կամ օսմանյան մշակույթի թխնաբանի» վերածելը»:

«Արև», 30 հունվարի, 1987
«Էրեբունի», 2 հուլիսի 1987

Սոֆիայի «Օտեչեստվոն հրատարակչություն»-ը «Ֆուլկուր և ժողովրդական վիպագրություն» մատենաշարով հրատարակել է «Քաջ Նազար» խորագրով մի ժողովածու՝ նվիրված հայ բանահյուսության ու ժողովրդական հեքիաթներին: Գրքում տեղ են գտել Ղաղարոս Աղայանի, Հովհաննես Քումանյանի և Ավետիք Իսահակյանի պատմվածքներն ու հեքիաթները: Ժողովածուն

կազմել և թարգմանությունները կատարել է Հակոբ Օրմանճյանը:

«Երևան», 14 փետրվարի, 1987

Ապրիլի 26-ին Պլովդիվի քաղաքային դեղամանատանը, հայերի ցեղասպանության զոհների հուշարձանի մոտ տեղի է ունեցել սգո միտինգ, որին մասնակցել են Հայրենական ճակատի համայնքային կոմիտեի քարտուղարներ Սրտոյան Ստոյլեր և Մարիա Վանկելովան, Երևանի կազմակերպության Պլովդիվի վարչության անդամները, հարյուրավոր մարդիկ: Միտինգը բացել է Երևանի տեղական վարչության նախագահ Կարո Քափուլյանը՝ «Օրվա բանախոս Ստ. Ստոյլեր, — կարդում ենք «Երևանում», — նշեց, թե հայերու միակ հանցանքը ազատության և ինքնավարության տենյն էր: Երբեք չուպետք է մոռնանք պատմության դաժան դասերը, այլ պայքարինք, որպեսզի չկրկնվին 1915-ի կոտորածները: Խոր հարգանքի խոնարհում ազատասեր և քաջարի հայ ժողովրդի տառապանքներուն առջև» եզրակացուց ան իր ելույթը: Կարդացվել է ՄԱԿ-ին ուղղված հեռագիր, որն արտահայտում է ժողովրդի բողոքը ներկա թուրք կառավարության մարդատյաց րազականության դեմ և բուլղարահայերի անկեղծ փափագը աշխարհում խաղաղություն և անվտանգություն պահպանելու համար:

Նույնանման սգո միտինգներ են տեղի ունեցել նաև Վառնա, Բուրգաս, Շումեն, Խասկովո և այլ քաղաքներում:

«Երևան», 5, 9 մայիսի, 1987

Նոյեմբերի 28-ին Սոֆիայի հասարակչությունը նշել է Հոկտեմբերյան հեղափոխության 70-ամյակը և Հայաստանում սովետական զորքերի հաստատման 67-րդ տարեդարձը: Տրվել է ճոխ համերգ: Նույնանման հանդիսություններ են տեղի ունեցել Պլովդիվում, Բուրգասում, Խասկովոյում, Ստարա Զագորայում: Բազարչիկում

Բուլղարա-սովետական բարեկամության Համայնքային կոմիտեի և Երևանի Բաղարշիկի վարչության նախաձեռնությամբ նոյեմբերի 22-ին նույնպես տեղի է ունեցել հանդիսություն նվիրված Մեծ հոկտեմբերի 70-ամյակին, որին ներկա է եղել նաև Բուլղարա-սովետական բարեկամության Համայնքային կոմիտեի նախագահ Լազարիան Վելինովան, նենկա էմիլյարովան, Զեկուցումով հանդես է եկել Լ. Վելինովան, Հանդիսությունը ունեցել է դրական-գեղարվեստական բաժին, ցուցադրվել է Երևանի Հայաստան վավերագրական ֆիլմը:

«Երևան», 28 նոյեմբերի, 1987

5 դեկտեմբերի, 1987

Սոֆիայում բացվել է օսմանյան պետության մեջ և արդի Թուրքիայում կատարվող ահապորոհները մերկացնող ցուցահանդես, որի նախատին, ինչպես հայտնում է Երևանը, գրված է՝ «Վավերագրական պատում ցեղասպանության մասին, որուն ենթարկված էին ոչ թուրք ազգերը Օսմանյան կայսրության և արդի Թուրքիայի մեջ»: Լուսակարները, գծագրությունները, բացատրությունները և այլ վավերագրական նյութեր առնված են թուրքական ու եվրոպական աղբյուրներից: «Ցեղասպանությունը սխտեմատիկորեն գործադրված է իբրև պետական քաղաքականություն սուլթանական կառավարություններին 5 դարերու ընթացքին, օսմանյան պետության նվաճած ոչ թուրք ազգերուն՝ սլավոններուն, հույներուն, հայերուն, ռումինացիներուն, պարսիկներուն, թուրքերուն, չեքոսլոններուն, լազերուն և այլոց հանդեպ: Ցուցահանդեսը բացվել է նոյեմբերի 20-ին, ներկա են եղել անվանի քաղաքական ու հասարակական գործիչներ, լրագրողներ, ինչպես նաև Երևանի կազմակերպության կենտրոնական վարչության նախագահը և անդամները:

«Երևան», 28 նոյեմբերի, 1987

Ռ Ե Մ Ե Յ

Բուխարեստում կատարվել է Հայ մշակութային տան Թանգարանի վերաբացումը: Թանգարանում հավաքված են հայկական մշակութային արժեքներ: Ռումինական պաշտոնական միջադեպ անձինք, այցելելով Նորարաց Թանգարանը, գրել են: «Չնայած Հայ Համայնքի թիվը փոքր է Ռումանիո մեջ, սակայն իր հնությունը, պատմությամբ, մշակութով և բարձր ճաշակով կգերազանցե քոլոր մյուս փոքրամասնություններին»:

ներին: Թանգարանի և գրադարանի բացումը հղումն է Ամենայն Հայոց կաթողիկոս Վազգեն Առաջինի:

«Նա» աշխարհ, 23 հունիսի, 1987

Ս Ի Դ Ի

Հալեպի «Ադ Տազ» ամսագրի 1986 թ. նոյեմբեր-դեկտեմբեր ամիսների միացյալ համարը նվիրված է Հայ ժողովրդին Առաջին հոգվածի հեղինակ, «Ադ Տազ» խմբագիր Արդալահ Յուրկի Հալաբի «Մեր եղբայր հայերը» հոգվածում խոսվում է Հայ ժողովրդի պատմության մի շարք հարցերի մասին: Երկրորդ հոգվածը նվիրված է Հայ գրականությանը (հեղինակը Ռիդա Արդալահ Հալաբի), անդրադառնում է նաև 1915-ին զոհ դարձած Հայ գրողներին, Հրապարակված է սովետահայ արևելագետ Նիկոլայ Հովհաննիսյանի «Հայ-արաբ փոխհարաբերությունները» հոգվածը:

«Արթուր», 8 մայիսի, 1987

Հալեպում, դեկտեմբերի 2-ին Տիւրքիոյ ուսանողական-երիտասարդական միության նախաձեռնությամբ արժանավայել ձևով նշվել է նոյեմբերի 29-ը, վերածնված հայրենիքի սովետականացման 67-րդ տարեդարձը: Գեղարվեստական ճոխ ծրագրով տոնակատարությանը մասնակցել են հայրենիքից ժամանած հյուրերը:

«Արարատ», 24 դեկտեմբերի, 1987

Լ Ի Բ Ե Թ Ե

«Ազգային մշակույթը» հայտնում է. «Այնպիսի ազատատենչ խաղաղասեր, առաջավոր մարդկության հետ զուգահեռ իրենանք ևս մտղովրդական լայն զանգվածներու ու առաջգնմ հայրենասեր բոլոր ուժերու մասնակցությամբ լայն ծրագրով մը նշեց և տակավին կնշե Հոկտեմբերյան մեծ հեղափոխության հաջթանակի 70-ամյակը: Հոբելյանի առթիվ Լիբանանի կոմկուսի Կենտկոմը հայտարարություն է հրապարակել, որը տպված է «Ազգային մշակույթում»:

«Ազգային մշակույթ».

15. 29 նոյեմբերի, 1987

Թեքեյան մշակութային միության Բնյուրի վարչությունը նոյեմբերի 15-ին կազմակերպել է հանդիսություն՝ նվիրված Եղիշե Չարենցի ծննդյան 90-ամյակին: Վարչության ատենապետ Զ. Թապալյանը Դամասկոսի վարչության ատենապետ, գրող Զ. Մարտիրոսյանը, արձակագիր Ա. Սեպետյանը զեկուցումներ են կարդացել մեծ բանաստեղծի կենսագրության, նրա վերջին

և անտիպ գործերի հրատարակությունների մասին: Տրվել է համերգ:

«Զարթոճ», 28 նոյեմբերի, 1937

Ժ ր ա ճ

Թեհրանում մի խումբ հայ գրողներ հիմնել են թեհրանահայ գրական շրջանակ, Հիմնադիրներն են Գալուստ Խաննցը, Հովիկ էգգարյանը, Խաչիկ Գալստյանը, Ռուբինա Բարսեղյանը և ուրիշներ: Նպատակն է քաջալերել իրանահայ գրողներին՝ կազմակերպելով հավաքություններ և կատարելով հրատարակություններ, ինչպես նաև փոխադարձ կապեր ստեղծել գրական այլ շրջանակների հետ:

«Արև», 8 մայիսի, 1937

«Ազգային մշակույթ», 12 հուլիսի, 1937

Ֆրանսահայ գաղութում սկսել են լույս տեսնել գրական-մշակութային բնույթի երկու նոր ամսագրեր՝ «Միածան» և «Արաքս» անուններով: Երկու թերթերն էլ ունեն հայրենասիրական առաջադիմական ուղղություն:

«Շարժում», 5 օգոստոսի, 1937

Թ ո ռ Ի ա

«Ջումհուրիեթ» թերթը իր մարզական հավելվածում տվել է պատկերազարդ մի հոդված Կեսարիո Հայոց Ս. Աստվածածին եկեղեցու այժմյան վիճակի մասին, գրելով որ 150 տարվա պատմական աղոթավայրը օգտագործվում է մարզական միության կողմից: Թերթը այս առթիվ գրել է, թե մշակույթի և զրոսաշրջության գործավարությունը ինչպե՞ս է թույլատրել նման շենքի օգտագործումը այսպիսի նպատակների համար. «Նորոգության անունին տակ ալ կարգ մը փոփոխություններ կատարվեցան շենքին մեջ, ուր պատմական հնություն ունեցող և արժեքներ կյանքնող ամեն ինչ սկսավ անհետանալ ու քանդվել և ի վերջո մարզասրահի մը վերածվեցավ»:

«Արարատ», 19 մարտի, 1937

Թրքական սեփական Տողրուս շաքաթաթերի իր համարներից մեկում հոդված է նվիրել թանգվող հայկական եկեղեցիներին և հուշարձաններին: «Հայերո՞ւ կպատկանի, փլուցե՞ք ուրեմն» խորագրի տակ թերթի խմբագրությունը նշում է, որ XVI դարի կրթական և ուսման կենտրոն Յոթ եկեղեցիները և Վարագի վանքը այժմ ավերակ են և այլ նպատակների են ծա-

ռայում: «Վանի Շատախ շրջանի այս եկեղեցիները միտումնավոր քանդումի հետևանքով երկրագունտին վրայն սրբվելու վրա են, Գալթի եկեղեցին քարակույտ մը դարձած է, էլ մաճը գյուղի եկեղեցին աղրանոց դարձած է, Շատախ առուի Թաշքեոփրու կամուրջի վրայի հայերեն գիրերը սրբված են Պատմական հնություններու պաշտպան կոմիտեի կողմից:

«Արև», 2 սեպտեմբերի, 1937

Ֆրանսիացի զրոսաշրջիկների ղեկավար Միշել Կարամինոն ձերբակալվել է Թուրքիայում, ամբաստանվելով այն բանում, որ հունիսի 13-ին Ֆրանսիացի զրոսաշրջիկներին հայտարարել է, թե «...Անին և Աղվամարը հայկական հուշարձաններ են»: Կարամինոյին ազատ արձակելու համար միջամտել է անգամ Եվրոպական խորհրդարանը: Նա Ուրֆայի ու Դիարբեքի թանտերում շորս ամսվա բանտարկությունից հետո ազատ է արձակվել: Թուրք դատախազը պահանջելիս է եղել 5—10 տարվա բանտարկություն: Այս տեղեկությունները հայկական թերթերը քաղել են թուրքական «Ջումհուրիեթ» թերթում տպագրած մի հոդվածից, որի հեղինակն է Յալչըն Փեքչենին:

«Մասիս», 24 հոկտեմբերի, 1937

«Զարթոճ», 3 նոյեմբերի, 1937

«Պայքար», 14 նոյեմբերի, 1937

Հենվելով Կ. Պոլսում հրապարակվող «Մարմարա» թերթի տված տեղեկությունների վրա, «Լրաբերը» հայտնում է, որ Թուրքիայի կոմունիստական կուսակցությունը և Թուրքիայի բանվորական կուսակցությունը, որոնք օրենքից դուրս են հայտարարված իրենց երկրում, միացել են նոր անունով և Բյուտանում հրատարակել են մի հաղորդագրություն, որով պարզաբանում են մի շարք հարցերի վերաբերյալ իրենց տեսակետները: Այդ հարցերն են. Բուլղարիայի թուրքերի վիճակը, քրդական հարցը և հայկական ցեղասպանությունը: «Հայկական հարցին կապակցությամբ նորակազմ կուսակցությունը, — գրում է «Լրաբերը», — կընդունե, որ ցեղասպանությունը պատմական իրողություն է: Բայց Հայկական հարցը որպես ազգային հարց չընդունվիր և ուրեմն, նորակազմ կուսակցությունը առնոր տեղ չէ տված իր ազգային քաղաքականության ուղեգծին մեջ»:

«Լրաբեր», 14 նոյեմբերի, 1937

Ա Պ Յ Ո Ւ Ն

Կահիրեում, նոյեմբերի 28-ին, Հայ գեղար-
վեստասիրաց միության նախաձեռնությամբ հան-
դիսավորությամբ նշվել է Սովետական Հայաս-
տանի 67-րդ տարեդարձը: Միության ատենա-
պետ է. Ավագյանը բացման խոսքում ասել է.
«67 տարին երևի վեր հայ ժողովուրդը կապի
անոտնեզելի սահմաններու մեջ: Ելույթներ են
ունենցել Վ. Տեփոյանը, է. Հակոբյանը, սովետա-
կան «Տրուդ» թերթի լիդիակից Զ. Նալբանդյանը
և ուրիշներ:

«Արև», 30 նոյեմբերի, 1 դեկտեմբերի, 1987

Դ Ե Մ Ե Վ

Բելոռուսիայի Կոնստանտին Կիրակոսյանը
Դանիայի Ազգային թանգարանին է նվիրել հին
հայկական ութ դրամներ ի նշան շնորհակալու-
թյան առաջին համաշխարհային պատերազմի
ժամանակ հայ որբուկներին օգնելու համար:

Դրամներից մեկը պատկանում է Կիրակոսյանի
հայրաց առաջին թագավոր Լևոնին: Դանիայի
թանգարանում պահվում են մոտ 125 հայկական
դրամներ:

«Զարբոն», 2 օգոստոսի, 1987

Շ Վ Ե Պ Ի Վ

Շվեդիայի հայերի թիվը մոտ երկու հազար
է, մեծ մասամբ արհեստավորներ են, որոշ թվով
ուսանողներ և մասնագետ շրջանավարտներ:
Տեղական հայկական վարժարաններում թույլա-
տրված է հայերեն լեզվի դասավանդություն շա-
բաթական երեք ժամ, որի ծախսերը հոգալու է
պետությունը: Ստոկհոլմում գոյություն ունեն
երկու միություններ՝ «Ստոկհոլմի հայ մշակու-
թային միությունը» և «Հայ-շվեդական մշակու-
թային կեդրոնը», որն ունի իր ակումբը: Միու-
թյունն ունի իր ամսագիրը, որ կոչվում է «Բա-
լենի»: Ապրիլի 24-ի հիշատակի օրը կատարում
են շվեդացի հայասեր Ալմա Յոհանսենի գերեզ-
մանի մոտ, որ 1915-ին եղել է Արևմտյան Հա-
յաստանում և հավաքելով հայ որբերին տեղա-
փոխել է նրանց Թեոսալոնիկ և նրանց մասին
հոգացել է ընդհուպ մինչև 1926 թ.: Միությունն
ունի նաև «Սալյաթ-նովա» անունով երգչախումբ:
Ուփսալայում նույնպես կա հայկական գաղթո-
ւյթ, որը ևս ունի հայ մշակութային միություն,
հիմնված 1980-ին: Միության կից գործում է
«Երիտասարդ երգչախումբը» կազմակերպված են
հայոց լեզվի դասընթացներ: Մալմո քաղաքում
ևս կա փոքրաթիվ հայկական գաղութ:

Շվեդահայ գաղութը սերտ կապեր է պահ-
պանում սփյուռքահայության հետ մշակութային
կապի կոմիտեի հետ, որի միջոցով ստանում է
հայրենի թերթերն ու ամսագրերը, ինչպես նաև
սփյուռքահայ դպրոցների համար հատուկ հրա-
տարակած դասագրքեր: Շվեդահայ գաղութը ա-
մեն տարի աշակերտներ և ուսուցիչներ է ուղար-
կում Հայաստան՝ կատարելագործման և ամա-
ռային ճամբարներում հանգստանալու:

«Նոր աշխարհ», 28 մայիսի, 1967

Ա Վ Ս Մ Ե Վ

1987 թ. մայիսի 9—11-ը Հայկական հա-
մագործակցության միության Ավստրիայի մաս-
նաճյուղը և Արևմտյան Բեռլինում գտնվող հայ-
կական տեղեկատվության և փաստագրության
կենտրոնը հրավիրել են համագումար՝ քնն-
նելու համար Թուրքիայի ազգային քաղաքակա-
նությունը: Համագումարի շարժառիթն է եղել
Հեյդնիկի համաձայնությանը նվիրված հերթա-
կան հանդիպումը: Նիստերին մասնակցել են
100-ից ավելի անձինք, ներկա են եղել թղթա-
կիցներ Գերմանիայից, Շվեյցարիայից, Ավստ-
րիայից, Հունաստանից, Կիպրոսից, Բուլղարիա-
յից և մարդկային իրավունքների պաշտպանու-
թյան զանազան ազգերի կազմակերպություննե-
րի ներկայացուցիչներ, որոնք կարդացել են ուժ-
գեղեցում իրենց ազգերի վիճակի մասին Թուր-
քիայում: Կիպրոսի փոխ-ընդհանուր դատախազ
Կ. Լոկիս Լուկազիսը փաստերով ներկայացրել
է այն իրողությունը, որ Թուրքիան իր սահման-
ների մեջ շարունակում է հալածել ոչ թուրք ազ-
գություններին՝ տեղի են ունենում ճարտարա-
պետական կոթողների ոչնչացում, մշակութային
արժեքների հափշտակում, եկեղեցիների վերա-
ծումը մզկիթների և այլն:

Դոկտ. Կոստանդինոս Ֆոթիատիսը իր զե-
կույցման մեջ նշում է, որ հայերը և հույները
կազմել են երբեմնի փոքրասիական ամենամեծ
թվաքանակ ունեցող քրիստոնյա ժողովուրդներ,
իսկ այժմ 1915—22-ի կոտորածներից հետո
կազմում են աննշան փոքրամասնություն և ապ-
րում են հիմնականում Կ. Պոլսում: Հայերի թի-
վը այսօր կազմում է 60 000, հույներիինը՝ 3500
և Սև ծովի ափին՝ բոնի իսլամացած կամ գաղտ-
նի քրիստոնյա հույներ՝ 400 000: Արևմտյան Հա-
յաստանի հուշարձանները պայթեցվում կամ վեր-
են ածվում գոմի, մզկիթի, անգամ զուգարանի:
Հայ երիտասարդները զինվորական ծառայու-
թյան ժամանակ ենթարկվում են տանջանքների:
Արևմտյան Հայաստանում վերապրող հայերի
նկատմամբ կիրառվում է բռնի իսլամացման քա-
ղաքականություն: Փոքր Ասիայում քանակապես

ամենից շատ քրդերն են, որոնց թիվը մոտ 12 միլիոն է: Նրանց նկատմամբ ևս թուրքական կառավարությունը վարում է բռնի թրջացման քաղաքականություն: Ազգային փոքրամասնությունների իրավունքների կազմակերպությունների ներկայացուցիչներից կազմվել է Ատյան, որը պահանջել է, որ Թուրքիան շրջառնվի Եվրոհամայնքի անդամ, քանի որ նա արհամարհում է հմրոպական քաղաքակրթության սկզբունքները: Հայերի կապակցությամբ Ատյանը նշել է, որ. ա) Հայկական եկեղեցին ու կրոնական հուշարձանները սրբապղծվում և ոչնչացվում են: բ) Թուրքիան հայերի դեմ գործադրած ցեղասպանությունն ուրանում է: գ) Նոգանի 1923-ի հաշտության պայմանագրի փոքրամասնության հովանավորության պայմանները Կ. Պոլսի հայ փոքրամասնությունների նկատմամբ հետևողականորեն արհամարհվում են, և հայերեն դասավանդումը Կ. Պոլսի սակավաթիվ հայկական դպրոցներում սահմանափակված է շարաթական լորս ժամով, դ) Արևմտյան Հայաստանում վերապրող հայերը ենթակա են բռնի իսլամացման քաղաքականության:

«Էմբրունի», 2 հուլիսի, 1987

«Ջաբրունֆ», 22 հուլիսի, 1987

Ա ճ զ ի տ

Լոնդոնում լույս է տեսել «Արևելյան Թուրքիա ճարտարապետական և հնագիտական հուշարձանները» գիրքը երեք հատորով: Առաջին հատորը բաղկացած է. ներածությունից, Ուրարտուին և Վասպուրականի, Վանի, Կարսի և Արարատի շրջանների պատմաճարտարապետական հուշարձաններին նվիրված բաժիններից. ունի 590 էջ, 105 նկարներ, Երկրորդ՝ 478 էջ և 158 նկար ունեցող հատորը պարունակում է նյութեր նվիրված վրացական եկեղեցիներին, Պոնտոսի, Էրզրումի, Սվազի, Անտի-Տավրոսի և Վերին Եփրատի շրջաններին: Երրորդ հատորը նվիրված է վերին և ստորին Եփրատի, Տիգրիսի, Կոմմագենեի, Եդեսիայի և Ալեքսանդրիայի շրջաններին: Այս հատորն ունի 464 էջ, 52 նկար, Գրքում տեղ են գտել 164 քարտեզներ և հատակագծեր:

«Ջաբրունֆ», 22 հուլիսի, 1987

Յ ր ա տ ի տ

Ֆրանսիական «Մոնդ» օրաթերթում ծավալուն հոդված է լույս տեսել, նվիրված Մեհնդին: Հոդվածագիրը ներկայացրել է վերջերս Ֆրանսիայում լույս տեսած երեք գրքերը. «Բրիտանական կառավարության Կապույտ գիրքը», Առնոլդ Թոյնթի «Հայոց ջարդերը» և Յահանես

Լևիսիուսի «Գաղտնի տեղեկագրեր Հայաստանի կոտորածների մասին»:

«Արև», 12 հունիսի, 1987

Ապրիլի 12-ին Մարսելի Հայ մշակույթի տանը նշվել է Վասպուրականի հերոսամարտի 72-րդ տարեդարձը և Խրիմյան Հայրիկի մահվան 50-ամյակը: Որոշվել է հիմնել «Խրիմյան հիմնադրամ ֆոնդ» կրթական նպատակների համար:

«Ջաբրունֆ», 20 հունիսի, 1987

1987 թ. հունիսի 18-ին Ստրասբուրգում Եվրոպական միության նիստում Հայերի մեծամասնությամբ ընդունվել է հայկական ցեղասպանության մասին բանաձևը: Ֆրանսիայի մամուլը և ռադիոկայանները անմիջապես հայտնել են երկու տարվա ձգձգումից հետո ընդունված այդ բանաձևը: Մոտ երկու հազար հայեր հավաքվել են Ստրասբուրգի խորհրդարանի առջև և մեծ խանդավառությամբ դիմավորել են այդ որոշումը, երգելով «Մարսելյոզ»:

«Արարատի» հուլիսի 10-ի համարում չապարակված է Եվրոպական միության բանաձևը Հայկական հարցի մասին: Սփյուռքի բոլոր թերթերը տպել են այս հաղորդագրությունը:

«Ջաբրունֆ», 20 հունիսի, 1987

«Նուր աշխաթ», 23 հունիսի, 1987

«Արարատ», 7, 10, 28 հուլիսի, 1987

Լիոնի արվարձան Վերբանի փողոցներից մեկը կոչվել է Հայաստանի անունով. բացման արարողությանը կույթ է ունեցել քաղաքագլուխ Մաուլ Էնիսուն, որն ասել է, որ Վերբանում ապրում են 3800 հայեր, իսկ Ֆրանսիայի հայկական համայնքը կազմում է 400 000 մարդ: Նա նշել է «Հայ ժողովրդի գործունեությունն ու դինամիզմը, որոնք նա քաղում է իր հին ու հարուստ պատմությունից»: Հայաստանի տեղափոխված և նշանավոր հայերի անուններով հոդոցներ կան Ֆրանսիայի ջատ քաղաքներում:

«Ազգային մշակույթ», 21 հունիսի, 1987

«Նուրա», 4 հուլիսի, 1987

«Սարդարապատում» տպված մի հաղորդումից տեղեկանում ենք. «Եվրոպական հորհրդարանը, ճանչցավ Հայկական ծեղասպանության իրողությունը: Հինգշաբթի, 18 հունիսին Ստրասբուրգի մեջ գումարված ժողովին, ընդունված բանաձևի մեջ վերահաստատվելով ցեղասպանությունն բաժնի, շնորհիվ գլխավորաբար»

ընկերվարական և համայնավար Լրեսփոխան-ներուն:

Հայկական օրակարգը ժողովի եկավ հետ-միջօրեի ժամը 4. 30-ին, և անոր քննարկության արամադրվեցավ մեկուկես ժամ, որի ընթացքին 15 Լրեսփոխաններ ընդունեցին արտահայտվեցան: Խորհրդարանին աջակողմյան թեր, որ կենդանացվի ազատական խումբին, պահպանողականներն և եվրոպական ժողովրդային կուսակցությունն հակառակեցան հայկական բանա-ձևին ինքնարկության, առարկելով, թե իրենց ի-րավասությունն և ձեռնահասությունն դուրս կանար նման քաղաքական հարցը: Այսուհանդերձ, երեկոյան ժամը 7-ին Հայկական հարցը քննարկու-թյան ընթացքով 72 տարբեր բանաձևերով, ուրոնք մեկ առ մեկ քվեարկվեցան, Լրեսփո-փոխանները կրելով: Վերջապես ընդունվեցավ այն բանաձևը, ուր Հայկական ցեղասպանու-թյունը կճանաչվեր...

Թուրքիա Ստրասբուրգ առաքած էր պատի-րակություն մը, բաղկացած չորս Լրեսփոխաննե-րի: Երոնք հինգշաբթի, մամուլի ասուլիս մըն ալ սարքեցին հայտարարելով, թե հայկական ընդունված բանաձևը կ'իմնվեր պատմական զեղծումներու և նենգափոխության վրա, և թե այն քվեարկությունը ետ հրապարակ պիտի հա-ներ հայկական անարդարանալի ահաբեկու-թյունը, որ արդեն թուրք երեսուն դիվանագիտ-ներու մահվան պատճառ դարձած է:

Վավերացումն և տը շատ հուզիչ տեսա-թաներ պարզված են Խորհրդարանի շենքի առ-ջև, ուր Լվրոպական զանազան երկրներն՝ Անգ-լիա, Ֆրանսիա, Գերմանիա, Բելգիա, Հունաս-տան, Եկած շուրջ երկու հազար հայեր կսպասին քվեարկության արդյունքին, արդարություն պա-հանջող պաստառներ կրելով: Ընկերվարական մի շարք. երեսփոխաններ, որոնք գործոն դեր մը ունեցած էին Հայկական հարցին հետապնդման մեջ, դուրսը խոսք առած էին հայ ներկայա-ցուցիչներու հետ: Իսկ ժողովուրդը երգած է Ֆրանսիական քայլերգը՝ Լա Մարսելեզը և այլ ազգային երգեր:

«Ստրասբուրգ», 8 հուլիսի, 1987

Փարիզում գործում է Հայկական վավերա-գրական կենտրոն, որի աշխատակից տիկ. է. Գոշունյանը «Ջարթոնքի» թղթակցին հայտնել է, որ կենտրոնը բացվել է 1983-ին, ունի պատմու-թյան, ազգագրության, երաժշտության բաժին-ներ, 1500 անուն գրքով հայագիտական գրա-կանություն գրադարան, 12 000 ճարտարապե-տական նկարների միկրոֆայլներ և 15 000 մանրանկարների դիպլոմատիկներ, նկարների և թերթերի հավաքածուներ: 1985 թ. լույս է ըն-

ծավում մշակութային պարբերաթերթ՝ «Անի» և «Քայն դ'Արմենիեն»:

«Ջարթոնք», 15 հուլիսի, 1987

Փարիզի «Աշխարհ» թերթի հուլիսի 15-ի համարը ամբողջովին նվիրված է Նիշն Զա-րենցի ծննդյան 90-ամյակին:

«Աշխարհ», 18 հուլիսի, 1987

«Արև» թերթը հայտնում է. ֆրանսիական «Ժեռ» հայտնի աշխարհագրական ամսագրում լույս է տեսել «Հիշատակարան բնաշնչած՝ երկ-րի մասին» հոդվածը, որի հեղինակ Կլոդ Մու-տաֆյանը, շրջելով Արևմտյան Հայաստանում, Կիլիկիայում, Թուրքիայի տարածքում իր տպա-վորություններն է հաղորդում ընթերցողին: Հե-ղինակը տալիս է նաև հայ ժողովրդի պատմու-թյունը հին ժամանակներից մինչև այսօր, ման-րամասն անդադառնալով դարասկզբի ողբեր-գական իրադարձությանը՝ 1915 թ. արևմտա-յան Հայաստանի ցեղասպանությանը, ինչպես նաև նկա-րագրում է այդ տարածքների ներկա վրձակը: «Առաջին համաշխարհային պատերազմի նախօր-յակին երեք միլիոնից ավելի հայ կար Թուր-քիայում: Այսօր Պոլսում՝ արևմտահայության մշակութային ավանդական կենտրոնում մնացել են հազիվ 50 հազար, իսկ Արևմտյան Հայաստա-նում ինքնությամբ հայ գրեթե չկա: Ընթաց-քում է մի նոր եղանակ հայ մշակութային կոնդ-նիերի՝ ամբողջների, վանքերի, եկեղեցիների դեմ: ...Անիի հյուսիսում գտնվող 10-րդ դ. կաթողի-կոսանիստ կենտրոն Արգինայի 60-ական թթ. դեռևս կանգուն եկեղեցին 1977-ին պարզապես մի քարակույտի էր վերածվել: ...Այլևս չկան Խժկոնքի եկեղեցիներ... Ներկայումս վանից մնացել են սոսկ քարակույտեր: Կարծես թե քա-ղաքը քանդված է հազարավոր բուլդոզերներով: ...Կիլիկիայի տարածքում դրությունը նույնն է:

«Արև», 5 սեպտեմբերի, 1987

Փարիզում, նոյեմբերի 28-ին, Հ. Բ. Ը. Մ. Այնք Մանուկյան Մշակութային սրահում հան-դիսավորությամբ և ճոխ համերգային ծրագրով նշվել է Սովետական Հայաստանի 67-րդ տարե-դարձը: Նույն թ. նույն թ. ֆրանս-սովետական ընկերության անդամ, երկու թի Նախագահ Եսուկ Լաթիլին, Մ. Գալաշյանը, Փ. Աղառիկ-յանը, Սովետական Միության դեսպանատան ներկայացուցիչ Վ. Կոզիրը, ինչպես նաև որպես հյուր Փարիզում գտնվող ՀՍՍՀ ԳԱ թղթակից անդամ Հ. Սիմոնյանը: Համերգին մասնակցել է նաև հայրենիքի ժամանած «Տաշարան» խում-բը:

«Աշխարհ», 12 դեկտեմբերի, 1987

ԱՐԵՎԵՐԻ ԲԵՆԻԿ

Արևմտյան Բեռլինում ստեղծվել է Հայկական տեղեկատվության և փաստագրության կենտրոն, որի նպատակն է հավաքել փաստագրական նյութեր, կապված հայ ժողովրդի պատմության, ցեղասպանության հետ և դրանք հայտնի դարձնել համաշխարհային հասարակայնությանը, ինչպես նաև օժանդակել մասնագետներին: Ինչպես հայտնում է «Երեանք», կենտրոնն իր տրամադրության տակ ունի 1894—1922 թթ. հայերի դեմ գործած հալածանքների վերաբերյալ փաստագրական հավաքածու, 1915—16 թթ. Մեծ եղեռնից մոտ 200 լուսանկարներ և վավերական նյութեր հայ ժողովրդի պատմության, մշակույթի, ազգագրության, ճարտարապետական կոթողների վերաբերյալ, ինչպես նաև տարբեր լեզուներով դրականություն հայերի մասին: Կենտրոնի գլխավոր կազմակերպիչներն են Ժիրայր Քոչարյանը, Թևսա Հոֆմանը:

«Երեանք», 7 փետրվարի, 1967

Գ Յ Ն

Ճեղքերալ Գերմանիայի հայկական երեք կազմակերպությունների՝ Հայկական համաշխարհային համագումարի Գերմանիայի մասնաճյուղի, գերմանախոս երկրների Հայ միությունների կենտրոնական կազմակերպության և Գերմանիայի հայ Առաքելական եկեղեցիների կենտրոնական խորհրդի նախաձեռնությամբ ապրիլի 25-ին տեղի է ունեցել Ապրիլյան ցեղասպանության 72-րդ տարեկիցի նշումը: Բեռլինի Հայ Առաքելական համայնքը ապրիլի 22-ին կազմակերպել է հուշ-երեկո՝ նվիրված մեծ մարդասեր Արմին Վեգենրին, որը որպես ականատես փաստագրական հոգվածներով ու նկարներով մարդկությանը տեղեկացրել է հայկական ցեղասպանության մասին:

«Ջաթաճֆ», 3 մայիսի, 1987

Շտուտգարդում 1987 թ. ապրիլի 26-ին Գերմանիայում կատարվել է հայոց Մեծ եղեռնի առաջին հուշարձանի բացումը, որի վրա հայերեն և գերմաներեն գրված է. «Ի չիշատակ Հայոց Մեծ եղեռնի զոհերուն»: Ապրիլի 26-ին մոտ 300 հայեր ու գերմանացիներ և բարձրաստիճան գործիչներ մասնակցել են հուշարձանի բացման արարողությանը: Հուշարձանին դրվել են ծաղկեպսակներ: Այնուհետև եկեղեցում կատարվել է հոգեհանգստյան պատարագ և ապա սրահում կարդացվել է դասախոսություն: Գերմանիայի շատ օրաթերթեր հաղորդել են այս լուրը և նյութեր են տպել հայոց պատմության ու

հայերի մասին: Ռադիոկայանը հատուկ հաղորդումներ է տվել: Այս ամենը իրականացնելու համար երկու տարի մեծ ջանք է թափել Բաղեն-Վյուրտեմբերգ նահանգի Հայ առաքելական եկեղեցի. եկեղեցական խորհրդի նախագահ Գրիգոր Մինասյանը:

«Երեանք», 4 հուլիսի 1987

«Սարդարապատ», 8 հուլիսի, 1987

Ի տ ա լ ի ա

Վենետիկի համալսարանում կազմակերպվել է հայերեն լեզվի և մշակույթի ամառային դասընթաց, որը տեղի է ոգոստոսի 3-ից 26-ը: Դասընթացին մասնակցում են 60 հոգի՝ Իտալիայից, Ֆրանսիայից, Սիրիայից, ԳՅՀ-ից, ԱՄՆ-ից, Կանադայից, Պոլսից, Հունաստանից, Իրաքից, Լեհաստանից և Շվեյցարիայից: Մասնակիցների մեջ կան նաև օտարազգիներ: Դասընթացը կազմակերպել է Լեոն Հրդ. Ջեքիանը, որը և գրաբար է դասավանդում: Դասընթացից բացի տեղի են ունեցել նաև մի շարք դասախոսություններ. նվիրված հայ միջնադարյան գրականությանը, շարականներին, ձևագրագիտությանը և այլն:

«Շարժում», 23 սեպտեմբերի, 1987

Լույս է տեսել Վահան Տերյանի բանաստեղծությունների ժողովածուն, ուր տեղ են գտել բանաստեղծի մի շարք ստեղծագործությունների հայերեն ընագրերը և նրանց իտալերեն թարգմանությունները: Գրքում զետեղված է նաև Տերյանի կենսագրությունը իտալերեն լեզվով, որը հեղինակն է Պ. Սիլվանը: Ժողովածուն հրատարակվել է Հ. Բ. Ը. Մ. նախաձեռնությամբ: Միության 80-րդ տարեդարձի առթիվ: Մինչ այժմ Սվալլյանը նմանօրինակ մի հատոր է հրատարակել Հովհաննես Թումանյանի մասին:

«Արարատ», 11 հոկտեմբերի, 1987

Պ ա ռ տ ո զ ա լ ի ա

Լույս է տեսել պատմաբան, Պորտուգալիայի պատմության ակադեմիայի թղթակից անդամ Ռոպեր Կյուլպենկյանի «Հայ-պորտուգալական հարաբերությունները զիրքը, որում պատմագիտական վերջին տվյալների լույսի տակ ուսումնասիրված են հայ-պորտուգալական և իսպանական հարաբերությունները: Գիրքը պարունակում է 21 գիտական բանասիրական հոգվածներ, որոնցում արծարծվում են քաղաքական, հովվա-նազդիական, առևտրական ու կրոնական հարցեր առնչված Հայաստանի և Ռուսաստանի Պարսկաստանի, Զուդայի, Թուրքիայի հայ գաղթ-

աջախների հետ, որտեղ հայ վաճառականները և հոգևորականները իրենց գործի բերումով կապեր են հաստատել և կարևոր գեր են խաղացել այդ կապերի խորացման գործում: Գիրքը ակնառու ներդրում է սփյուռքահայ գաղթախների պատմության համար:

«Սարդարապատ», 17 հունիսի, 1987
«Հարթոնք», 21 հունիսի, 1987

Ա Ր Գ Ե Ն Թ Ի Ն Ա

Արգենտինայի հանրապետության նախագահ դոկտ. Ռաուլ Ռիկարդո Ալֆոնսինը սեպտեմբերի 1-ին զրույց է ունեցել արգենտինահայերի հետ, որի ժամանակ ի միջի այլոց ասել է. «Լավ դիտեմ, որ ձեր հայրերը, ձեր մեծ հայրերը և թերևս նույնիսկ դուք, մեր երկիրը հասաք ցավալի դեպքերու հետևանքով, ամենագծվարին պայմաններու մեջ, զորս ժողովուրդ մը կրնա ապրիլ, ինչպիսին է 1913—1917-ի ցեղասպանությունը: Հեռուստատեսությունն ու ռադիոն հաղորդումներ են տվել հանրապետության նախագահի այդ ելույթի մասին:

«Շաբաթ», 29 սեպտեմբերի, 1987
«Արև», 28 հոկտեմբերի, 1987

Բուենոս-Այրեսում իսպաներեն լեզվով լույս է տեսել Եղիշե Զարենցի հատրտիթրի «Գիրք ճանապարհի» խորագրով: Հատորը կազմել և փապաներեն է թարգմանել Վարդան Մալևոսյանը, որի նախաբանով էլ բացվում է գիրքը: Ներկայացված է նաև Զարենցի ընդարձակ կենսամատենագիտությունը, ինչպես նաև բանաստեղծի գործերի իսպաներեն, պորտուգալերեն, ֆրանսերեն, անգլերեն և իտալերեն հրատարակությունների մատենագիտությունը:

«Շաբաթ», 30 սեպտեմբերի, 1987

Ն Ա Ն Գ Ա Ղ Ա

Մոնրեալի Թեքեյան մշակութային միության միջառնությունը հայտնել է, որ կազմակերպվել է «Տամատյան հիմնարկ», որի խնդիրն է ուսումնասիրել հայկական վավերագրերը և ստեղծել հետազոտություններ հայ ժողովրդի պատմության մասին: Այս գործի մեջ պետք է ներգրավվեն հայագետներ և համապատասխան ալլ մասնագետներ:

«Հարթոնք», 14 հունիսի, 1987

Պ. Մ Ն

Քեմբրիջի (Մասաչուսեթս) «Ջորջան հիմնարկը» 1984 թ. ձեռնարկել է հայկական ցեղա-

սպանությանը վերաբերող վավերագրական և այլ նյութեր հավաքելու գործը միջազգային մասշտաբով: Այդ աշխատանքի նպատակն է ի մի բերել, ցանկագրել և հրատարակել այն բոլոր փաստաթղթերն ու վավերագրական նյութերը, որոնք վերաբերել են հայ ժողովրդի դեմ գործած ոճիրին: Այժմ արդեն հավաքված է ավելի քան 100 000 փաստաթուղթ կամ դրանց միլիոնավոր էջերը: միջազգային կարևոր արխիվներին, ձայնագրված են 350 վերապրողների վերականգնություններ: Նախատեսվել է կազմել ցեղասպանության վերաբերյալ հրատարակված նյութերի առաջին մատենագիտությունը և հիմնել այդ նյութերի գրադարան: Արդեն հավաքված են ավելի քան 500 լուսանկարներ:

«Արև», 4 փետրվարի, 1987
«Մասիս», 9 մայիսի, 1987

Սան Ֆրանցիսկոյում լույս է տեսնում հայ բանաստեղծությանը նվիրված անգլերեն տարագիրք, որի նպատակն է «հետաքրքրություն ստեղծել հայ բանաստեղծության հանդեպ անգլիախոս երկրներում գրողներում, բանասերներում և առհասարակ հանրության մեջ»:

«Լաբեր», 28 փետրվարի, 1987

«Լրաբերում» տպագրված մի հոդվածում խոսվում է Միացյալ Նահանգների մի շարք համալսարաններում գործող հայագիտական ամբիոնների մասին: Թերթը կոչ է անում բարոյական և նյութական օժանդակել ամբիոններին, առավել ևս առաջադիմելու և զարգանալու համար:

«Լաբեր», 2 մայիսի, 1987

Միլիզանի համալսարանը Ալեք և Մարի Մանուկյան հիմնարկությունից մեկ միլիոն դոլարի նվիրատվություն է ստացել երկրորդ հայագիտական ամբիոն հիմնելու համար: Նոր ամբիոնը լինելու է սլավոնական լեզուների և գրականության բաժանմունքի կազմում:

«Մասիս», 30 մայիսի, 1987
«Լաբեր», 13 հունիսի, 1987

Լույս է տեսել «Հայկական ցեղասպանությունը հեռանկարային առումով» գիրքը պրոֆ. Ռիչարդ Հովհաննիսյանի խմբագրությամբ, որը «Լրաբերի» մի քանի համարում ներկայացնում է նուպար Ակիշյանը, Ինչպես հայտնում է թերթը, հատորի հոդվածները գրված են գիտական լուրջ մակարդակով, պատմական տվյալների և արխիվային վավերագրերի հիման վրա:

«Լաբեր», 2 մայիսի, 1987

Լույս է տեսել Դավիթ Անհաղթին նվիրված գիրք, որի խմբագիրն է Ավետիս Սանճյանը: Ժողովածուն Մերձավոր Արևելյան Վանքից կենտրոնի հրատարակած յոթերորդ հատորն է: Հոգովածներից երկուսի հեղինակը Ա. Սանճյանն է. դրանցից մեկը վերաբերում է Դավիթ Անհաղթի կյանքին, երկերին և փիլիսոփայական ավանդին, երկրորդը՝ ուսումնասիրությունն է «Սահմանք իմաստասիրության» աշխատության մեջ տեղ գտած բարոյագիտական հայացքների մասին: Հատորին իրենց ուսումնասիրություններով մասնակցել են Ճորճ Նախիրյանը՝ Ինդիանայի համալսարանից, Արրահամ Թերեյանը՝ Միչիգանի էտրոպ համալսարանից, Ռոբերտ Խամսոնը՝ Հարվարդի համալսարանից, Հակոբ Ներսիսյանը՝ Օհայոյի համալսարանից և այլն: Գիրքը պարունակում է նաև Երևանի Ալ. Մյասնիկյանի անվան գրադարանի կողմից Դավիթ Անհաղթի 1500-ամյակի կապակցությամբ լույս ընծայած ընդարձակ մատենագիտությունը և այդ նշանավոր տարեթվի կապակցությամբ տեղի ունեցած գիտաժողովի զեկուցումների լրիվ ցանկը:

«Արարատ», 11 հոկտեմբերի, 1987

Թեքեյան մշակութային միության Բոստոնի մասնաճյուղը կազմակերպել է գրական երկերի նվիրված Նոյն Զարեցի ծննդյան 90-ամյակին, որի ավարտին տեղի է ունեցել զեկուլիստական միջոցառում:

«Ապագա», 2 նոյեմբերի, 1987

Դեկտեմբերի 10-ին Վաշինգտոնում, սովետական դեսպանատանը Ռ. Մ. Գորբաչովն հանդիպում ունեցավ Հայկական բարեգործական ընդհանուր միության ներկայացուցիչների հետ: Ոչ միայն Միացյալ Նահանգներում, այլև ուրիշ երկրներում լայնորեն հայտնի այդ հասարակական կազմակերպության ղեկավարության անունից միության նախագահ Ա. Մանուկյանը մշակույթի սովետական ֆոնդի վարչության նախագահության անդամ Ռ. Մ. Գորբաչովային նվեր հանձնեց XXVII դարի հին սլավոններն մի ձեռագիր (Սողոմոն ամուսինների նվերը) և 2. Կ. Ալվազովսկու մի գեղանկար (Շահինյան ամուսինների նվերը): Այդ ստեղծագործությունները պատմական և զեկուլիստական նշանակալից արժեք են ներկայացնում:

Ռ. Մ. Գորբաչովն մշակույթի սովետական ֆոնդի անունից շերտորեն շնորհակալություն հայտնեց այդ հայրենասիրական արարքի համար: Դա Սովետական Միության, սովետական մարդկանց հանդեպ տածած բարի զգացմունքների դրսևորումն է, այն նպատակների ըմբռնումը, որ իր առջև դնում է մշակույթի սովետական ֆոնդը: Այդ զեկուլիստական ստեղծագործությունները ըստ արժանիության կգնահատվեն սովետական հասարակության կողմից:

Հայկական բարեգործական ընդհանուր միությունը սերտ կապեր է պահպանում Սովետական Հայաստանի՝ որպես հայերի պատմական հայրենիքի և հայ մշակույթի կենտրոնի հետ: Բարենպաստ են զարգանում մշակութային փոխանակումները սովետական հասարակական կազմակերպությունների հետ:

Նշվեց սովետական հայրենիքի հետ սփյուռքահայերի կապերի մեծ նշանակությունը:

(ՏԱՍՍ)

«Հայրենիքի ծայր», 16 դեկտեմբերի, 1987

Ճ ա պ ո լ ի ա

Տոկիոյում լույս է տեսել Նապուտ Սալոնի «Հայաստան երկիր մարդկային ծննդոց և աղետների» գիրքը: «Նավասարդի» խմբագիր Արմեն Տոնոյանը և ճապոնացի մի պրոֆեսոր նպատակ ունեն Տոկիոյում հիմնել հայ-ճապոնական մշակութային կապի կենտրոն տեղի հայ լիդերաթիվ գաղութի մասնակցությամբ:

«Արև», 12 հունիսի, 1987

Կ ի պ ռ ո ս

Նոյեմբերի 17-ին Նիկողիայում բացվել է ֆոտոնկարների ցուցահանդես «Գեղարվեստի Օսմանյան կայսրության պետական քաղաքականությունն է» թեմայով: Ցուցահանդեսը կազմակերպվել է բուլղարական «Սոֆիա-պրես» նորությունների գործակալության և Կիպրոսի մամուլի և ինֆորմացիայի բյուրոյի համատեղ ջանքերով:

«Кипрский бюллетень», 4. 10, № 19, 9. XI—30. XI, 1987

Ն. Վաղանյան (Դերայուն)